




# ხაშურის მთაშუა



№7

20 ივლისი, ორშაბათი, 2015 წელი

## ცხადდება კონკურსი!

ხაშურის მუნიციპალიტეტი აცხადებს კონკურსს „ხაშურის მუნიციპალიტეტის საპატიო ჯილდოს - დიმიტრი ყიფიანის სახელობის პრემიის“ მოსაპოვებლად „ხაშურის მუნიციპალიტეტის საპატიო ჯილდო - დიმიტრი ყიფიანის სახელობის პრემია“ ენიჭება:

ა) დიმიტრი ყიფიანის ცხოვრებისა და შემოქმედების კვლევისათვის ნომინანტს გამოქვეყნებული უნდა ჰქონდეს დიმიტრი ყიფიანის ცხოვრებასა და შემოქმედებაზე სამეცნიერო ნაშრომები-მონოგრაფია, სტატიები, დოკუმენტური მასალა და იყოს ამ საკითხისა და სფეროს აღიარებული მკვლევარის პრემიის ოდენობა განისაზღვრება 2500 ლარით.

ბ) განსაკუთრებული დამსახურებისათვის ქვეყნისა და მუნიციპალიტეტის წინაშე. ნომინანტს მნიშვნელოვანი წვლილი უნდა ჰქონდეს შეტანილი ისტორიის, კულტურისა და ხელოვნების განვითარების, მოზარდი თაობის აღზრდისა და განათლების საქმეში. ხაშურის მუნიციპალიტეტის ავტორიტეტისა და ცნობადობის გაზრდაში, რეგიონისა და ქვეყნის მნიშვნელოვანი პრობლემების გადაწყვეტაში.

პრემიის ოდენობა განისაზღვრება 2500 ლარით.

„ხაშურის მუნიციპალიტეტის საპატიო ჯილდო - დიმიტრი ყიფიანის სახელობის პრემიის“ მიღებასთან დაკავშირებული კონკურსის ჩატარების სამუშაო ჯგუფში შედიან:

- 1) ვაჟა შუბითიძე - პროფესორი, ხაშურის მუნიციპალიტეტის საკრებულოს თავმჯდომარე;
  - 2) თამარ ბარბაქაძე - პროფესორი;
  - 3) ზურაბ ცუცქერიძე - პროფესორი;
  - 4) კონსტანტინე ფრუიძე - ხაშურის მუნიციპალიტეტის გამგეობის განათლების, კულტურისა და სპორტის სამსახურის უფროსი;
  - 5) რევაზ ნოზაძე - დიმიტრი ყიფიანის სახლ-მუზეუმის მენეჯერი;
  - 6) ზაზა გვრიტიშვილი - ხაშურის მუნიციპალიტეტის საკრებულოს იურისტი;
  - 7) დოდო ლაცაბიძე - ხაშურის მუნიციპალიტეტის გამგეობის განათლების, კულტურისა და სპორტის სამსახურის სპეციალისტი.
- საკონკურსო განცხადებები მიიღება 25 ივლისის ჩათვლით შემდეგ მისამართზე: ტაბიძის ქ. 2 ადმინისტრაციული შენობის მე-2 სართული; განათლების, კულტურისა და სპორტის სამსახური.

## მოწესრიგდა ქვეითა გადასასვლელი

ხაშურში ქვეითად მოსიარულეთა გადასასვლელების, პარკირების ადგილებისა და საგზაო ნიშნების მოწესრიგების სამუშაოები მიდინარეობს.

უკვე მოეწყო ქვეითა გადასასვლელი რუსთაველის, თამარ მეფისა და აღმაშენებლის ქუჩებზე. რუსთაველის ქუჩაზე მოეწყო ღერძულა ხაზი. პარკირების ადგილები მოინიშნა რუსთაველისა და სააკაძის ქუჩებზე. საგზაო ნიშნები მოეწყო ხაშურში დაბა სურამსა და სოფელ ცხრამუხაში დამონტაჟებულ სიჩქარის შემანელებელ ბარიერებთან.

აღსანიშნავია, რომ პარკირების ადგილების მონიშვნა ხაშურში პირველად განხორციელდა.



## იქნება ხაშურში პოლიტექნიკური უნივერსიტეტის ფილიალი?

ვაჟა შუბითიძე: -იქნება!

ჩვენ უკვე დავეანონსეთ იმ სიახლის შესახებ, რომელიც საქართველოს პოლიტექნიკური უნივერსიტეტის აკადემიური საბჭოს გადაწყვეტილებას ეხებოდა: ივნისის თვეში ამ საბჭომ, ხაშურში, უნივერსიტეტის ფილიალის გახსნის გადაწყვეტილება მიიღო. 10 ივლისს კი პოლიტექნიკური უნივერსიტეტის სენატმა გადაწყვეტილება დაამტკიცა. ეს, ასე ვთქვათ, უნივერსიტეტის ბოლო უფლებამოსილი იურიდიული „ინსტანცია“ და გადაწყვეტილებაც ძალაში შევიდა. რა იქნება ამის შემდეგ, როგორ დაიძლევა ფინანსური „ბარიერები“, სად უნდა განთავსდეს უნივერსიტეტი, რა ფაკულტეტების ფუნქციონირებაა ჩაფიქრებული. სწორედ ამ თემებზე ვესაუბრეთ ხაშურის მუნიციპალიტეტის თავმჯდომარეს ვაჟა შუბითიძეს.

—რა თქმა უნდა, პოლიტექნიკური უნივერსიტეტის ფილიალის გახსნა დღეს და ხვალ არ მოხდება, — აღნიშნა მან ჩვენთან საუბარში. — წინ უამრავი სამუშაო გვედევნებს, რომლის დასაძლევად ჩვენ მზად ვართ და იმედია, ყველაფერი საბოლოო შედეგით დაგვირგვინდება. უპირველესად, შენობის საკითხია გადასაწყვეტი. ჩვენ ვესაუბრეთ სურამისა და ხაშურის ეპარქიის ეპისკოპოსს, მეუფე სვიმეონს, რომელიც სიამოვნებით დაგვთანხმდა ამ დიდი საქმისთვის, ეპარქიის ბალანსზე რიცხული შუშის ქარხნის ყოფილი კულტურის სასახლის შენობა გადასცეს მუნიციპალიტეტს. მთავარი საქმე სწორედ ამის შემდეგ დაიწყება. მოსაძიებელი იქნება თანხები, რომლითაც უნდა გარემონტდეს ეს შენობა და მივიდეს იმ კონდიციამდე, რომ მასში უნივერსიტეტის განთავსება გახდეს შესაძლებელი. რა თქმა უნდა, არაა იოლი



საქმე. თუმცა, ჩვენ უკვე გვაქვს მთელი რიგი გეგმა და მის განხორციელებასაც ვიწყებთ. ვესაუბრეთ საქართველოს რეინიგზის დეპარტამენტის უფროსს მამუკა ბახტაძეს, რომელიც თანხმდა ფინანსურად დაგვეხმაროს, იმის სანაცვლოდ რომ ჩვენ ამ ფილიალში რეინიგზისათვის კადრებს აღზრდით. პარალელურად მომავალი წლის ბიუჯეტის პრიორიტეტულ ინფრასტრუქტურულ მიმართულებებში სწორედ ამ საკითხის შეტანას ვაპირებთ და იმედი გვაქვს, ცენტრალური ხელისუფლება გვერდში დაგვიდგება. იმედია, განათლების სამინისტროც გაიღებს თანხებს. დიდი იმედი გვაქვს საზოგადოების თანადგომისაც, რადგან ეს პროექტი მხოლოდ საგანმანათლებლო არ იქნება და მასში სოციალური ასპექტიცაა. თვითონ განსაჯეთ: მხოლოდ იმით, რომ ხაშურელი სტუდენტი ადგილზე ისწავლის და არა თბილისში, მშობელს (ოჯახს) ამით საშუალოდ 6-7 ათასი ლარის დაზოგვა შეეძლება (ბინის ქირა, ტრანსპორტი, კვება...), ამასთან, თვითონ წარმოიდგინეთ, როგორ მოწესრიგდება ხაშურის ამ უბნის ინფრასტრუქტურა. მთლიანად შენობაში დაახლოებით 2500 კვადრატული მეტრი სასარგებლო ფართი იქნება, რაც რვაასამდე სტუდენტის მიღების შესაძლებლობას იძლევა. ფილიალის კომპიუტერებით აღჭურვას მთლიანად ტექნიკური უნივერსიტეტი იღებს თავის თავზე. პარალელურად, მოხდება ფილიალის ჩართვა საბიბლიოთეკო ინტერნეტქსელში, რომლითაც სტუდენტებს მსოფლიოს ნებისმიერი ქალაქის ბიბლიოთეკასთან ექნება წვდომა, რაც შეეხება ფაკულტეტებს ვფიქრობთ. 10-12 მოთხოვნადი დარგის სპეციალისტებს აღზრდით. ასე, რომ სამუშაო მართლაც ბევრია, მაგრამ იმედია, ყველაფერი წარმატებით დაგვირგვინდება და ხაშურში ტექნიკური უნივერსიტეტის ფილიალი გვექნება, — დასძინა ბოლოს ბატონმა ვაჟამ.

გ. მაღრაძე

## ვირუსი რომ თავიდან ავიცილოთ

ვირიმ-კონგოს ვირუსმა, რომლის გადამტანიც ტიპაა, კვლავ შეგვახსენა თავი. არა, ჯერ-ჯერობით საშიში არაფერია, მაგრამ რომ არ განმეორდეს გასული წლის რამდენიმე ფატალური შედეგი, ამისათვის ამთავითვე ზრუნავს სურსათის ეროვნული სააგენტო. როგორც ამ სააგენტოს შიდა ქართლის რეგიონული სამსახურის სპეციალისტმა შმაგი ზაზიკაშვილმა ჩვენთან საუბარში აღნიშნა, უკვე შემოტანილია სპეციალური პრეპარატი ურუგავიდან (ექტოსულე), რომლის საშუალებითაც მოხდება მუნიციპალიტეტის 14 სოფელში საქონლისა და მათი სადგომების დამუშავება-დეზინფექცირება. იმედია, მოსახლეობა გაგებით მოეკიდება ამ ფაქტს და თვითონაც შეუწყობს ხელს, რომ ეს სამუშაოები დროულად და ხარისხიანად შესრულდეს. ი. პაპიაშვილი

ხაშურის მუნიციპალიტეტის საკრებულოს  
დადგენილება 28  
2015 წლის 6 ივლისი, ხაშური

ხაშურის მუნიციპალიტეტის ტერიტორიაზე ქუჩების, ხეივანების, შესახვევების, ჩიხების, მოედნების, სკვერების, მრავალბინიანი სახლების სადარბაზოების, ბინებისა და კერძო საკუთრებაში არსებული მიწის ნაკვეთების ნუმერაციის წესის დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსი“-ს 16-ე მუხლის მე-3 და მე-4 პუნქტის, 61-ე მუხლის 1-ლი და მე-2 პუნქტის საფუძველზე, ხაშურის მუნიციპალიტეტის საკრებულო ადგენს:

მუხლი 1.  
დამტკიცდეს ხაშურის მუნიციპალიტეტის ტერიტორიაზე ქუჩების, ხეივანების, შესახვევების, ჩიხების, მოედნების, სკვერების, მრავალბინიანი სახლების სადარბაზოების, ბინებისა და კერძო საკუთრებაში არსებული მიწის ნაკვეთების ნუმერაციის წესი (დანართი 1)

მუხლი 2  
დადგენილება ამოქმედდეს გამოქვეყნებისთანავე

საკრებულოს თავმჯდომარე ვაჟა შუბითიძე

„დანართი 1

ხაშურის მუნიციპალიტეტის ტერიტორიაზე ქუჩების, ხეივანების, შესახვევების, ჩიხების, მოედნების, სკვერების, მრავალბინიანი სახლების სადარბაზოების, ბინებისა და კერძო საკუთრებაში არსებული მიწის ნაკვეთების ნუმერაციის წესს

მუხლი 1.  
ეს წესი განსაზღვრავს ხაშურის მუნიციპალიტეტის ტერიტორიაზე ქუჩების, ხეივანების, შესახვევების, ჩიხების, მოედნების, სკვერების, მრავალბინიანი სახლების სადარბაზოების, ბინებისა და კერძო საკუთრებაში არსებული მიწის ნაკვეთების ნუმერაციის წესს

1. ამ წესში გამოყენებულ ტერმინებს აქვთ შემდეგი მნიშვნელობა:  
ა) ქუჩების, ხეივანების, შესახვევების, ჩიხების, მოედნების, სკვერების, მრავალბინიანი სახლების სადარბაზოების, ბინებისა და კერძო საკუთრებაში არსებული მიწის ნაკვეთების ნუმერაცია – დადგენილი წესით გარკვეული რიგითობის მიხედვით ქუჩების, ხეივანების, შესახვევების, ჩიხების, მოედნების, სკვერების, მრავალბინიანი სახლებში სადარბაზოების, ბინებისა და კერძო საკუთრებაში არსებული მიწის ნაკვეთების დანომვრა არაბული ციფრების, ქართული ანბანის ასოების ან/და ინდექსების მეშვეობით.  
ბ) ბინა მრავალბინიან სახლში – მრავალბინიან სახლში ინდივიდუალური საკუთრების საგანი, რომელიც შეიძლება იყოს ერთ სისტემაში გაერთიანებული მომიჯნავე სათავსების ერთობლიობა ან იზოლირებული სათავსი (სათავსები), რომელიც გამოიყენება საცხოვრებელი ან არასაცხოვრებელი, მათ შორის, კომერციული მიზნებისათვის.  
გ) დაინტერესებული პირი – ნებისმიერი მესაკუთრე ფიზიკური ან იურიდიული პირი, აგრეთვე კანონიერი მოსარგებლე, რომლის კანონიერ ინტერესზე პირდაპირ და უშუალო გავლენას ახდენს ადმინისტრაციული ორგანოს მიერ განხორციელებული ნუმერაცია.  
დ) კანონიერი მოსარგებლე – ფიზიკური პირი, რომელიც უფლებამოსილი ორგანოს მიერ გაცემული დოკუმენტის (ინდივიდუალური ადმინისტრაციული-სამართლებრივი აქტი, ბინის ორდერი, საბინაო წიგნი, და სხვ.) საფუძველზე კანონიერად სარგებლობს ბინით, შენობით.  
ე) შენობა – მიწასთან მყარად დაკავშირებული, სამშენებლო სამუშაოების შედეგად, საძირკვლის, მზიდი და შემომზღუდავი კონსტრუქციების გამოყენებით, დახურული სივრცის შექმნის მიზნით აგებული ერთიანი სამშენებლო სისტემა, რომელიც გამოიხატავს ადამიანთა ხანგრძლივი დროით სამყოფად და გამოიყენება საცხოვრებელი, საზოგადოებრივი და საწარმოო მიზნებისათვის.  
ვ) ინდექსი – რიცხვითი ან ასოითი მარკირებელი რომელიც ციფრს ეწერება ქვევით.

მუხლი 3.  
1. ქუჩების, ხეივანების, შესახვევების, ჩიხების, მოედნების, სკვერების, მრავალბინიანი სახლების სადარბაზოების, ბინებისა და კერძო საკუთრებაში არსებული მიწის ნაკვეთების ნუმერაციის შეცვლის ან/და ახალი ნუმერაციის საფუძველი შეიძლება გახდეს:  
ა) შენობის/შენობების ნუმერაციის არარსებობა;  
ბ) შენობის/შენობების გაყოფა ან/და შეერთება;  
გ) არსებულ დოკუმენტებში შენობის/შენობებისთვის მინიჭებული ნომრების აღრევა;  
დ) სხვა ცდომილება, რამაც შეიძლება გამოიწვიოს შენობის/შენობების ნუმერაციის მოთხოვნა.

მუხლი 4  
1. მრავალბინიან სახლებში სადარბაზოებისა და ბინების ნუმერაციის შეცვლის ან/და ახალი ნუმერაციის საფუძველი შეიძლება გახდეს:  
ა) სადარბაზოს/სადარბაზოების ან/და ბინის/ბინების ნუმერაციის არარსებობა;

ბ) ბინის/ბინების გაყოფა ან/და შეერთება;  
გ) არსებულ დოკუმენტებში სადარბაზოს/სადარბაზოებისთვის ან/და ბინის/ბინებისთვის მინიჭებული ნომრების აღრევა;  
დ) სხვა ხდომილება, რამაც შეიძლება გამოიწვიოს სადარბაზოს/სადარბაზოების ან/და ბინის/ბინების ნუმერაციის მოთხოვნა.  
2. ნუმერაცია დაუშვებელია თუ მესაკუთრეს ან კანონიერ მოსარგებლეს არ გააჩნია ბინით დამოუკიდებლად სარგებლობის შესაძლებლობა და იგი არ შეიძლება წარმოადგენდეს ცალკე უფლების ობიექტს.  
3. მრავალბინიან სახლებში სადარბაზოებისა და ბინების ნუმერაცია ხდება მარცხნიდან მარჯვნივ.  
მუხლი 5

1. ქუჩების, ხეივანების, შესახვევების, ჩიხების, მოედნების, სკვერების, მრავალბინიანი სახლების სადარბაზოების, ბინებისა და კერძო საკუთრებაში არსებული მიწის ნაკვეთების ნუმერაციისთვის დაკავშირებით, ხაშურის მუნიციპალიტეტის გამგეობას წერილობითი განცხადებით შეიძლება მიმართოს უძრავი ქონების მესაკუთრე დაინტერესებულმა ფიზიკურმა ან იურიდიულმა პირმა.  
2. განცხადებაში მითითებული უნდა იყოს განმცხადებლის აზრით, თუ რომელი ქუჩის( ხეივანის, შესახვევის, ჩიხის, მოედნის, სკვერის, მრავალბინიანი სახლის სადარბაზოს, ბინისა და კერძო საკუთრებაში არსებული მიწის ნაკვეთის) რომელ ნომერს (ნომრის არარსებობისას რომელ ობიექტს) რა ნომერი უნდა მიენიჭოს. განცხადება უნდა შეიცავდეს დეტალურ დასაბუთებას ნომრის მინიჭების ან შეცვლის თაობაზე. განცხადება უნდა პასუხობდეს საქართველოს ზოგადი ადმინისტრაციული კოდექსის 78-ე მუხლით გათავალისწინებულ, ადმინისტრაციული განცხადებისათვის საჭირო მოთხოვნებს.  
3. განცხადებას ქუჩების, ხეივანების, შესახვევების, ჩიხების, მოედნების, სკვერების, მრავალბინიანი სახლების სადარბაზოების, ბინებისა და კერძო საკუთრებაში არსებული მიწის ნაკვეთების ნუმერაციის შესახებ უნდა დაერთოს:  
ა) სსიპ – საჯარო რეესტრის ეროვნული სააგენტოს სარეგისტრაციო სამსახურის მიერ გაცემული ამონაწერი (დამოწმებული ასლი) საჯარო რეესტრიდან (განცხადების წარდგენის დროს ძალაში არსებული) ქუჩის იმ ნომრით რეგისტრირებული უძრავი ქონების მესაკუთრის შესახებ, რომელსაც განმცხადებლის აზრით უნდა შეეცვალოს ნომერი;  
ბ) სსიპ – საჯარო რეესტრის ეროვნული სააგენტოს სარეგისტრაციო სამსახურის მიერ გაცემული საინფორმაციო ცნობა იმის შესახებ, რომ ქუჩის იმ ნომერზე, რომლის მინიჭებაც სურს განმცხადებელს, არ არის რეგისტრირებული სხვა უძრავი ქონება;  
გ) განმცხადებლის პირადობის დამადასტურებელი დოკუმენტის ასლი.

მუხლი 6  
1. ქუჩების, ხეივანების, შესახვევების, ჩიხების, მოედნების, მრავალბინიანი სახლების სადარბაზოების, ბინებისა და კერძო საკუთრებაში არსებული მიწის ნაკვეთების ნუმერაცია ხდება არაბული ციფრით, ხოლო გამოწვევის შემთხვევაში, შენობის სპეციფიკიდან გამომდინარე - არაბულ ციფრზე ინდექსის დამატებით.  
2. მრავალბინიან სახლებში სადარბაზოებისა და ბინების ნუმერაცია ხდება არაბული ციფრით ან ციფრზე ქართული ანბანის ასოს დამატებით.  
3. ქუჩის, შესახვევის, ჩიხის ნუმერაცია იწყება იმ მხრიდან, რომელიც ყველაზე ახლოსაა ხაშურში მდებარე დიმიტრი ყიფიანის სახელობის მოედანთან და უნდა განხორციელდეს ისე, რომ მან არ გამოიწვიოს ერთი ქუჩის სხვადასხვა ნომრებს შორის აღრევა. გაუგებრობა ან/და მესამე პირების შეცდომაში შეყვანა.  
4. ქუჩის, შესახვევის, ჩიხის ნუმერაცია უნდა განხორციელდეს არაბული ციფრებით, უწყვეტობის პრინციპის დაცვით. ქუჩის, შესახვევის, ჩიხის ბოლოს ახალი უძრავი ობიექტების დამატების შემთხვევაში ნუმერაცია გრძელდება უწყვეტად. ქუჩის, შესახვევის, ჩიხის დასაწყისში ან დასაწყისიდან დასასრულამდე მანძილზე ახალი უძრავი ობიექტების დამატების შემთხვევაში ქუჩის, შესახვევის, ჩიხის ნუმერაციის უწყვეტობის შენარჩუნების მიზნით, ახალ ობიექტს ენიჭება უახლოესი უძრავი ობიექტის ნომერი დამატების აღნიშვნით. დამატება აღინიშნება ანბანური წყობის მიხედვით (მაგ: 25-ა, 25-ბ და ა.შ.);  
5. ქუჩის, შესახვევის, ჩიხის ნუმერაცია ხორციელდება ქუჩის, შესახვევის, ჩიხის კენტი და ლუწი ნომრების (რიცხვების) ურთიერთსაპირისპირო წყობით. ქუჩის, შესახვევის, ჩიხის ერთ მხარეს ენიჭება კენტი ნომერი, ხოლო მეორე, საპირისპირო მხარეს, ლუწი ნომერი.  
6. ქუჩის, შესახვევის, ჩიხის სახელწოდების შეცვლის შემთხვევაში, მოქმედი ნუმერაცია რჩება უცვლელად.  
7. განსაკუთრებულ შემთხვევაში ქუჩის, შესახვევის, ჩიხის ნუმერაციის უწყვეტობის შენარჩუნებისა და ამ საკითხში წესრიგის დამყარების მიზნით, სათანადო დასაბუთების საფუძველზე შეიძლება განხორციელდეს კონკრეტული ქუჩის სრული ხელახალი ნუმერაცია.

მუხლი 7  
1. განცხადებას ქუჩების, ხეივანების, შესახვევების, ჩიხების, მოედნების, სკვერების, მრავალბინიანი სახლების სადარბაზოების, ბინებისა და კერძო საკუთრებაში არსებული მიწის ნაკვეთების ნუმერაციის შესახებ, განიხილავს ხაშურის მუნიციპალიტეტის გამგებლის ბრძანებით შექმნილი სამუშაო ჯგუფი, რომელიც განცხადების რეგისტრაციიდან 30 კალენდარული დღის ვადაში გამგებელს წარუდგენს ბრძანების პროექტს ნუმერაციის თაობაზე.  
2. გამგებლის ბრძანება, წარდგენილი მოთხოვნის დაკმაყოფილების შემთხვევაში, დაუყოვნებლივ ეგზავნება იუსტიციის სამინისტროს საჯარო რეესტრის ეროვნული სააგენტოს და სახელმწიფო სერვისების განვითარების სააგენტოს ტერიტორიულ ორგანოებს მონაცემთა ბაზაში ცვლილებების შეტანის მიზნით.“

საკრებულოს თავმჯდომარე ვაჟა შუბითიძე

ვიცი, რომ ამ წერილის დაწერით გაღიზიანებული ლომის ხახაში ვყოფ ხელს, მაგრამ უამისოდ არ შემოდია, რადგანაც ქართული სატელევიზიო არხების ზოგიერთი გადაცემა აბსოლუტურ შეუთავსებლობაში მოდის ქართულ ზნე-ჩვეულებებსა და ტრადიციებთან.

ვიდრე კონკრეტულ თემებზე გადავიდოდე, ვსვამ კითხვას: რას არეულობენ მედიასაშუალებების მარეგულირებელი კომისიები? სასტიკი წინააღმდეგი ვარ ტელეგადაცემათა პოლიტიკური თვალსაზრისით ცენზურის მაგვარი ჩარევისა, მაგრამ ისეთ გადაცემებს, რომლებიც არ წაადგება საზოგადოებაში და განსაკუთრებით ახალგაზრდებში დადებით მორალურ-ფსიქოლოგიური კლიმატის ჩამოყალიბებას, ნამდვილად ესაჭიროება ფხიზელი თვალყურის დევნება და გონივრული რეკომენდაციები.

რუსთაველის შთამომავლად ვეღარ იგრძნობ თავს, როცა უსმენ იმ დიაცთა გადაცემებს, რომლებმაც ხელში ჩაიგდეს სატელევიზიო სივრცე თავი მიანიათ ხელშეუხებელ ანგელოზებად და გენიოსებად, თითქოს მათი პირადი წარმოდგენანი, ცხოვრების ამა თუ იმ საკითხებზე ყველაზე ჭკვიანური, ობიექტური და ღირებულაა. ოდნავი კრიტიკაც კი თავისუფალი მედიის შეზღუდვის მცდელობად მიანიათ, რატომღაც ავიწყდებათ, რომ თავისუფალი მედიაც რაღაცაზე უნდა იყოს დამოკიდებული და ეს „რაღაცა“ საკმაოდ მრავალწახნაგოვანია.

რას არ მოისმენ ე.წ. შოუბიზნესის პროგრამებში. ერთი მიბრძანეთ, რა უფლება აქვს ტელეჟურნალისტს მოსახლეობის სამსჯავროზე დასვას კითხვა, ესა თუ ის პირი დამნაშავეა თუ პოლიტიკტიმარი და ამ საკითხზე სახალხოდ აკამათოს მოქალაქენი, რომლებიც, ფაქტობრივად, არც კი იცნობენ საქმის ობიექტურ არსს.

„ავსა კაცსა ურჩევნია, ავსამცა რას ადრე სცნობდა“-ო მაგონდება, როცა ტელეარხები ერთმანეთს ეჯიბრებიან, ვინ უფრო ადრე ამცნობს მოსახლეობას მომხდარი უსიამოვნო ფაქტების შესახებ, თანაც ინდივიდის მიერ განსხვავებული აზრის გამოთქმას ისე მონათლავენ დაპირისპირებად, გეგონება

ქვეყანა იქცევაო, მსმენელში ათასნაირ კითხვას წარმოშობენ, როცა ჭორიკუნულად აცხადებენ „ამბობენ“-ო, კი მაგრამ, ვინ ამბობს, რას ამბობს? იქნებ სულაც არ ამბობენ, ჯობია ვადროლოთ რას იტყვიან.

ასეთ წელის ნაყვავზე რუსთაველმა თქვა: „ამოა, როცა კაცი კაცს ამოსა უშენებდეს“-ო და კიდევ: „ცუდთა კაცთა საუბარი კაცსა მეტად დააჭმუნებს“-ო.

ტელეჟურნალისტები სრულიად კანონზომიერად გმობენ სიძულვილის ენას, მაგრამ ეკრანზე საეთერო დროს ხშირად უთმობენ ისეთ ადამიანებს, რომლებსაც შხამის გადმოფრქვევის გარეშე არ შეუძლიათ ილაპარაკონ მათთვის არასასიამოვნო პირის ან პირთა ჯგუფის შესახებ.

ასეთი გესლიანი ადამიანები განსაკუთრებით აუტანლები ხდებიან პოლიტიკური გადაცემების დროს. მათ ავიწყდებათ, რომ შეიძლება „საუბარმან უმეცარმან, შმაგი უფრო გააშმაგოს“, და უკეთესია იფიქრონ იმაზე, რომ „გველსა ხერვლით ამოიყვანს ენა ტკბილად მოუბარი“, თანაც „თქმულა: „სიწყნარე გმობილი სჯობს სიჩქარესა ქებულს“-ო. ამ გამონათქვამებს განსაკუთრებით რუსეთის მისამართით საუბრისას უნდა ჩაუფიქრდნენ. სიშლეგემ ხომ კატასტროფამდე მიგვიყვანა. ჩვენ ყოფილ პრეზიდენტს თავი ბრძენი ეგონა, მაგრამ „ბრძენი, ვინ ბრძენი, რა ბრძენი, ხელი ვითა იქმს ბრძნობასა“. მას მხოლოდ სიძულვილის ენით შეეძლო ლაპარაკი.

ტელედიაცთა ჭორაობას საზღვარი არ აქვს. ლამის ისიც კი გადმოსცენ, ვის რა ფერის საცვალი აცვია. დიდ დროს უთმობენ ბიკინების, ბიუსპალტერის, ხე-ლოვნრად დაბერილი მკერდების, ჰიგიენური საფენების, პამპერსების და მისთანანის რეკლამებს, მაშინ, როცა მოსახლეობამ არაფერი იცის ჩვენი დამსახურებული მეცნიერ-მუშაკების შესახებ.

ამ უწყინარ რეკლამებში თითქოს ცუდი არაფერია, მაგრამ გაუფრთხილდით ჯანმრთელობას. საჭირო ან აუცილებელი რომ ყოფილიყო, შემოქმედს არ დაავიწყებოდა მკერდში სილიკონების ჩატენვა.

არავის ვურჩევ ღმერთისმიერ სრულყოფილი ქმნილების, ადამიანის გადაკეთებას. სიამოვნება და მიმზიდველობა ნატურალიზმშია და არა ხელოვნურ მოწვევებითობაში.

მედიცინა ცდილობს ორგანიზმის მთლიანობის დარღვევის ფაქტები და მასში უცხო სხეულთა შეყვანა უწყინრად წარმოგვიდგინოს, მაგრამ იმ მედიცინის, რომლებშიც პოლიტიკაში ან ბიზნესში ერევან, მე ბევრი არაფერი მჯერა. მედიცინა მხარს უჭერდა საათის ისრის გადაწვევად მოწვევას და ხმაც არ ამოუღია იმის შესახებ, რომ ისრის გადაწვევად მოწვევით სამყაროს დროის ცვალებადობას ვერ შექმნებ, ამიტომაც საათმა უნდა აღნიშნოს არსებული ნამდვილი დრო, ხოლო ადამიანები სამსახურში ერთი საათით ადრე ან გვიან - მივიდ-მოვიდნენ. დროში გადახტომ-გადმოხტომა უარყოფითად მოქმედებს მოზარდებზე.

მედიცინამ მხარი დაუჭირა ხუთი წლის ასაკის ბავშვების სასკოლო პროგრამით და რეჟიმით დატვირთვას და ხმაც არ ამოუღია, რა უარყოფითი შედეგები შეიძლება გამოიწვიოს ბავშვის ჯანმრთელობის საქმეში ყოველდღიურად ძალით გადავიტყობამ, ძალით კვებამ, ნერვების აშლამ და არასაბავშვო რეჟიმში ცხოვრებამ. ასეთი აშლილობა უარყოფით შედეგს ათწლეულების შემდეგ გამოიღებს.

მედიცინა ჭარბწონიან ადამიანებს წონის დაკლებას წინმკლავი - განმკლავი - ზემკლავი - ქვემკლავის ვარჯიშებით და იატაკზე გორაობისას ფეხების ქნევით ურჩევს და ერჯერაც არ წამოცდებათ, რომ ასეთმა პირებმა დასვენების დრო ნებივრობაში კი არ გაატარონ, არამედ სოფლებს მიაშურონ, სოფლის ქალების ცხოვრებით იცხოვრონ, სოფლის მეურნეობის პროდუქტების წარმოების იარაღებს მოჰკიდონ ხელი, მიწის ნაკვეთები, ბაღ-ბოსტანი და ვენახები დაამუშაონ, ცხოველებსა და ფრინველებს მოურაონ, ნაკლებად ყუათიანი საჭმელ-სასმელით, ახალ-ახალი ხილ-ბოსტნეულ-ბაღჩეულით იკვებონ. ასე გაიკაჟონ ორგანიზმი და შრომაში ოფლის ღვრით დაიკლონ წონაში.

მედიცინა ღუპავს ადამიანებს, როცა კვებით დიეტას უნიშნავს, ხმას არ იღებს იმაზე, რომ შემოქმედმა ადამიანს და ყველა ცოცხალ არსებას ანუქა საოცრება სისხლმბადი ორგანოს, ღვიძლის სახით, რომელიც ორ-

განიზმში მიწოდებული საკვებიდან საჭირო ნივთიერებებს შეითვისებს, არასაჭიროს კი განდევნის. ღვიძლს აკისრია სასიცოცხლო ფუნქციების შენარუნებისათვის საჭირო ნივთიერებათა მარაგის შენახვა-გაცემის ფუნქცია. ამიტომაც ჯანმრთელმა ადამიანმა უნდა მიირთვას ყველაფერი, რისი ჭამაც შეიძლება და ნაკლებად იფიქროს, რა შეერება და რა - არა. დაავადებულმა კი გინდა ექიმს უსმინოს და გინდა - ექიმბაშს.

რა თქმა უნდა, სოფლებშიც ცხოვრობენ ჭარბწონიანი ადამიანები, მაგრამ ეს მათი დაავადებაა და არა უმოძრაობის შედეგი.

ვიცი, ეს წერილი, თუ მას გამოქვეყნება უწერია, ტელედიაცთა რისხვას გამოიწვევს, მაგრამ მათი გადაცემებიც ხომ იწვევს მრავალ მაყურებელთა რისხვას.

ეს რისხვა კი გამოწვეულია ოჯახისა და სიყვარულის თემებზე ისეთი გადაცემებით, რომლებიც აშკარად ეწინააღმდეგებიან ქართულ ტრადიციებს.

ამ წერილში არ შევხები საკითხს იმის შესახებ, რომ ლამის გმირებად წარმოგვიდგინონ არატრადიციული სექსის მიმდევარი და მქადაგებელი.

„ღიაცად“ მოხსენიება, არ მინდა შეურაცხყოფად მიიღონ, მაგრამ ქალბატონებად ვერ მოვიხსენიებ მდევრობითი სექსის იმ წარმომადგენლებს, რომლებსაც ტელეეკრანზე სამსჯავროდ გამოაქვთ თემები ოჯახური ურთიერთობებისა და ქალიშვილობის ინსტიტუტის შესახებ. ნუთუ მათ არ სმენიათ, რომ „ცოლ-ქმრის საიდუმლოება ლოგინმა იცისო“, და არაეთიკურია იქ მომხდარის შესახებ სჯაბაასი.

ეს დიაცები, შეიძლება, უმადლესი სასწავლებლის დამთავრების რამდენიმე დიპლომს ფლობენ, მაგრამ მათ განათლებისა არაფერი ემჩნევთ. განათლებულ ადამიანს, ვისაც შ. რუსთაველის „ვეფხისტყაოსანი“ წაუკითხავს, აზრად არ მოუვა რომ მცირედი ოჯახური უთანხმოების გამო ქალებს უკიუიონოს: თუ ვერ ეწეობი, გაშორდიო. განათლებული ქალბატონი გაღიზიანებულ წვეილს მიმართავდა: „თუ არ მოგეყვს საყვარელი, შენ მას მიჰყევ, რაცა სწადლეს“-ო ან კიდევ: „კარგი მიჯნური იგია, ვინც იქმს სოფლისა თბომასა“-ო. ღიახ, ტელეჟურნალისტებო, „არას გარგებს სწავლულობა, თუ

არა იქმ ბრძენთა თქმულსა“. ოჯახური უთანხმოების ეკრანებზე გამოტანას, ჯობია, იქადაგო, რომ ამპარტავნობას სიყვარული არ უნდა გადავყოლოთ. როგორ შეიძლება ქალბატონი უწოდო

დიაცს რომელსაც უკვირს თუ როგორ ცხოვრობს წვეილი ერთად ათწლეულების განმავლობაში და ქალს ეკითხება: ამდენ ხანს ერთ მამაკაცთან რა განერებსო...

ზოგიერთი ტელეწამყვან ჟურნალისტს ქორწინებამდე სქესობრივი კავშირი არა მარტო ჩვეულებრივ ამბად, არამედ მიზანშეწონილადაც კი მიანია. შ. რუსთაველი წერდა: „მძულს უგულო სიყვარული, ხვევნა, კოცნა, მტლამა-მტლუში“-ო. შეიძლება ქორწინებამდე მტლამა-მტლუში გულიანი იყოს, მაგრამ „ოდეს ტურფა გაიაფდეს, აღარა ღირს არცა ჩირად“. გაიაფებული სიყვარული კი შეიძლება სიძვაში გადაიზრდოს, რადგანაც „მიჯნურობა სხვა რამეა, არ სიძვისა დასადარი: იგი სხვაა, სიძვა სხვაა, შუა უზის დიდი მზღვარი“. და „უმსგავსო საქმე ყოველი მოკლეა, მით ოხერია“. არავინ იცის ეს მტლამა-მტლუშის ტკბილი გრძნობა რამდენ ხანს გაყვებთ ახალგაზრდებს. სიყვარული ხომ ისეთი გრძნობაა, რომელიც „განსწავლულსა გააშმაგებს, უსწავლელსა გაასწავლის“, ამავე დროს „საბრალთა სიყვარული, კაცსა შეიქმს გულ-მოკლულად“. შოთამ ბრძანა „სიყვარულსა მადლა უნდა“-ო, მაგრამ ისიც ბრძანა, რომ „ბოლოდ ყოველი დამალული საქმე ცხადად გამოცხადდეს“-ო, ჩვენი ტელეეკრანები სიყვარულს კი არ მალავენ, ლამის მაყურებელს დაორსულების პროცესი აჩვენონ.

უხერხულია ქალიშვილობის ინსტიტუტზე ლაპარაკი, მაგრამ დიაცებმა ეს საკითხიც ტელეეკრანზე სამსჯავროდ გამოიტანეს. მათი განსწავლულობის საზომით დაზიანებული საქალწულე აბი იგივეა, რაც თვალგარღვეული ქალის წინდა, რომელიც გამოსაყენებლად სრულიად უვარგისად მიანია მის მომხმარებელს. მაგრამ არსებობს სხვაგვარი შეფასებაც, რომლის შესახებ საუბარი ძალიან შორს წაგვიყვანდა. სიწმინდეს და სიბილწეს თუ ვერ არჩევს ადამიანი, ის ვერც სიყვარულსა და გატაცებას გაარჩევს ერთმანეთისგან. ჩვენთან გატეხილ კვერცხს ფასი არა აქვს, არც ინახავენ, მალე ფუჭდება და გადასაგდები გახდება. გატეხილი თოხლო კვერცხის ფასი აქვს დაზიანებულ აბსკაც.

მეც ისეთ გადაცემებს შევზღუდავდი, რომელიც ხორციელ სიამოვნებაზე არის ორიენტირებული, მის მონაწილეებს კი არაფრად მიანიათ სულიერი სიწმინდე, უანგარო, ხალასი სიყვარულის იდუმალი გრძნობა. ცბიერებაში ატარებენ ნამუსახილ ცხოვრებას, არ განიცდიან სინდისის ქენჯნას და საამაყოდაც კი მიანიათ სხვადასხვა მამაკაცების ლოგინში კოტრიალის შესახებ სახალხოდ ლაპარაკი. მათთვის მთელ და გატეხილ კვერცხს ერთი ფასი აქვს. „ვისაც როგორ უნდა, თავის სხეულს ისე გამოიყენებს, ეს მისი უფლებააო“ იტყვიან მავანნი. მეც ვიცი, რომ ამ წერილის გამოქვეყნების შემდეგ აღვირახსნილთა შეგნება-ცხოვრებაში არაფერი შეიცვლება, მაგრამ კიდევ ერთხელ, ხმამაღლა მინდა, ვთქვა, რომ ის, რაც სხვა ხალხებს ნორმალური ცხოვრების წესად მიანიათ, მიუღებელია შოთა რუსთაველის შთამომავლებისათვის.

ჩვენებურ ოჯახს სხვა ღირებულებები გაანია. ბებიჩემის დროს ტელევიზია არ არსებობდა, მაგრამ მან ტელესენსების ყურების გარეშე რვა შვილი გაზარდა.

ყოველ ცოცხალ არსებას შემოქმედი აყოლებს სამ ინსტიტუს, რომელსაც არავითარი წიგნიერი სწავლა არ ესაჭიროება, ესენია: კვების, თავდაცვის და გამრავლების ინსტიტუტი.

წყალს ნუ ამღვრევთ და ნუ ნაყავთ, შოუშენებო, წყლადვე დარჩება, სხვა ყველაფერი ფორმას, შინაარსს და ღირებულებებს იცვლის, რასაც ზოგიერთის ღირსება ეგუება და ზოგისა - ვერა. არ დაგავიწყდეთ, ვისი გორისა ვართ და არ დაივიწყოთ შ. რუსთაველის აქ მოხსენიებული და სხვა მრავალი შეგონებანი.

# ხაშურის სასწრაფო დახმარების სამსახური მისამართს იცვლის

ყველანი ერთხმად ვთანხმდებით, იმაზე, რომ ადამიანი, პირველ რიგში, სუფთა ფიზიოლოგიური არსებაა და შემდეგ ეძლევა სულიერის თუ მორალურის გაგების შეგრძნება და აღქმა. იწყება ზრუნვა საკუთარ ჯანმრთელობაზე, რომ მერე საშუალება მოგვეცეს ჯანსაღმა სხეულმა, ჯანსაღი სულიერი ფასეულობები შექმნას. ეს ფილოსოფიური ქარაგმებია, თუმცა რეალურ ცხოვრებაში, ყველა ადამიანს, არსებობის განმავლობაში, ერთხელ მაინც მიუმართავს სხვადასხვა ტიპის სამედიცინო ჩარევებისა თუ მანიპულაციებისთვის. არსებობს ექსტრემალური სიტუაციები, სადაც სიცოცხლის გადარჩენა დიდ რისკებთან და მცდელობებთანაა დაკავშირებული-ეს სასწრაფო სამედიცინო სამსახურია, თავისი ოცდაოთხსაათიანი სამედიცინო და ადამიანური ვალდებულებით. ამ სამსახურის ანგარიშზე (სტატისტიკის მოყვანა აქ უადგილო იქნებოდა),



უამრავი გადარჩენილი სიცოცხლეა. ხაშურის სასწრაფო დახმარების ცენტრიც ერთ-ერთი რგოლია იმ ჯაჭვისა, რომელიც ფიზიკურად დარაჯობს ჩვენს ჯანმრთელობას. ისინი მალე ახალმოსახლეობას აღნიშნავენ, ახალ

მისამართზე, გაფართოებული და სწრაფი სამედიცინო სერვისით. დავით სუპატაშვილი-სასწრაფო სამედიცინო დახმარების ცენტრის ხაშურის ფილიალის მენეჯერი:

-ჩვენმა სამსახურმა ოფიციალური წერილი გაუგზავნა ხაშურის მუნიციპალიტეტის გამგეობას ფართის გამოყოფის თაობაზე, ადრეც მქონდა გამგებელთან ამასთან დაკავშირებით საუბარი. ადგილი, სადაც ახლაა განთავსებული სამედიცინო დახმარების ცენტრი, კერძო კომპანია, ხაშურის საავადმყოფოს ეკუთვნის და ურთიერთშეთანხმების საფუძველზე დაგვიბრუნეს. დღეისათვის, გამგეობამ ფარნავაზის ქუჩაზე გამოგვიყო 280 კვ.მეტრის ფართი, რომელზეც

აუცილებელია სარემონტო სამუშაოების ჩატარება, თუმცა ჯერ არ ვიცი, რომელი მხარე აიღებს მისი რეაბილიტაციის ვალდებულებას. -რამდენი ერთეული მანქანა და სამედიცინო ბრიგადა ემსახურება დღეისათვის ხაშურის რაიონს? რამდენად სწრაფ და ხარისხიან მომსახურებას სთავაზობთ მოსახლეობას? -აქამდე 3 მანქანა და, შესაბამისად, სამი ბრიგადა ემსახურებოდა ხაშურს, დღეისათვის დაგეგმატა კიდევ ერთი მანქანა, რაც სრულიად საკმარისია. გაიზარდა პერსონალის რაოდენობაც. ჩვენ როდესაც დავიწყეთ მუშაობა, ავტოპარკი სავალალო მდგომარეობაში იყო, დღეს მთლიანად განახლებულია, რაც საშუალებას გვაძლევს უკეთესი და უფრო სწრაფი სამედიცინო სერვისი შევთავაზოთ მოსახლეობას. ყველაზე მინიმალური დრო გამოძახების აღვიღამდე მისვლის, 30 წუთია. არის ცრუ გამოძახებები, რაც აფერხებს მომდევნო გამოძახებაზე გასვლას, თუმცა მეოთხე მანქანის დამატება, მოხსნის ამ პრობლემასაც -რაც შეეხება ექიმებს და მათ პროფესიონალიზმს, შეუძლია მოსახლეობას, თამამად ანდონ თავიანთი სიცოცხლე?

-ამ ეტაპზე გვყავს 18 ექიმი, 16 ძირითადი და ორი - რეზერვი. ექთნებიც იგივე რაოდენობის, რომელთა კვალიფიკაციასა და პროფესიონალიზმში არ შეიძლება ეჭვის შეტანა. მედიცინა ისეთი სფეროა, რომელიც სულ განახლებას, სწავლას გულისხმობს. ჩვენი ექიმებიც სისტემატურად გადიან ტრენინგებს და გადამზადების პროგრამებს, რათა მაქსიმალურად შეასრულონ მათზე დაკისრებული მოვალეობა, რაც ადამიანის სიცოცხლის გადარჩენასთან ასოცირდება. ამჟამად, დაწყებულია გადამზადების პროგრამა, რომელიც ეტაპობრივად მიმდინარეობს.

-რა წარმოადგენს თქვენი სამსახურისათვის ყველაზე დიდ პრობლემას? -ყველაზე დიდ პრობლემას მოსახლეობასთან ურთიერთობა წარმოადგენს, მათი სკეპტიკური დამოკიდებულება ექიმების მიმართ, რომლებიც ძაღლონეს და ენერგიას არ იშურებენ მათი სიცოცხლისათვის. თუ ბრიგადამ დააგვიანა, ეს ექიმების სურვილით არ ხდება, შეიძლება სხვა გამოძახებაზე იყვნენ და დროულად მისვლა ვერ შეძლონ, მაგრამ დღეისათვის ეს პრობლემაც მოხსნილია. სახელმწიფო მაქსიმალურად ზრუნავს თავისი მოქალაქეების კეთილდღეობაზე და ჯანმრთელობაზე, რაც სასწრაფო სამედიცინო დახმარების გაუმჯობესების ხელშეწყობაშიც აისახება. გარდა განახლებული ავტოპარკისა, სისტემატურად ხდება მედიკამენტებით აღჭურვა, გადმოგვეცემა კარდიოგრაფი, დეფიბრილიატორი. ყველაფერი მიდის იქითკენ, რომ გავაუმჯობესოთ პირველადი სამედიცინო მომსახურება, რაც საშუალებას მოგვცემს ვიზრუნოთ ჩვენი მოსახლეობის ჯანმრთელობასა და სიცოცხლის გახანგრძლივებაზე. გისურვებთ დღეგრძელობას და ჯანმრთელობას!  
თ . ჯავახიშვილი

## პოზიცია ქალბატონო ნინო, არ გრცხვენიათ?!

ნინო ბურჯანაძე, კრემლის სპიკერის მიწვევით, მოსკოვში გაემგზავრა. სულხან-საბასგან განსხვავებით, ნინო დიდხანს არ ალოდინეს და არც მეთხუთმეტე კაცად შევიდა, პირიქით, პირველივე მიიღეს, დითირამებიც უმღერეს. არ ჩანდა, მაგრამ შესაძლოა წითელი ხალიჩაც დაუგეს და საერთოდ, ცხადია, რომ რუსეთში უყვართ თავიანთი ხალხი. მე იმაზე ვდარდობ, ნეტავ ქალბატონმა ნინომ გზის ფული ხომ არ გამოართვა იმ "პა-



ტიოსან ხალხს"?! სირცხვილია, ჩადიხარ, გასმევენ, გაჭმევენ, გაცხოვრებენ, ათას ღარიგებას უანგაროდ გაძლევენ და კიდევ გზის ფული მოთხოვო. ნინო ბურჯანაძემ თქვა, ჩემი რუსეთში წასვლის მთავარი მიზანი ქართულ-რუსული ურთიერთობების გაუმჯობესებააო. მსოფლიოს ისტორიას არ ახსოვს ასე მალე მიღწეული შედეგი - დიახ, ბურჯანაძის ჩასვლიდან მეორე დღეს, გორის რაიონის სოფელ ხურვალეთში ოკუპანტებმა საზღვარი გადმოწიეს, იმედია, ქალბატონი ნინო მალე დაბრუნდება, თო-

რემ კიდევ უფრო "გაუმჯობესდება" ქართულ-რუსული ურთიერთობები! პარლამენტის ყოფილი თავმჯდომარე რუსეთში ერთ-ერთ გადაცემასაც ესტუმრა და განაცხადა, ქართულ მხარეს არ ჰყოფნის ვაჟკაცობა, რომ რუსეთთან დიალოგი დაიწყოსო. ეჰ, ქალბატონო ნინო, მაგ ქართულ მხარეს არც იმის ვაჟკაცობა ჰყოფნის, რომ ღუსტრაციის კანონი მიიღოს, თორემ დიდი ხანია ყველასთვის ცხადი იქნებოდა, რატომ დადიხართ რუსეთში. ჭკვიანი პოლიტიკოსი ხართ და დარწმუნებული ვარ, უწყით, რომ ეს ვიზიტები და მანდ გაკეთებული განცხადებები, ქულებს არ მოგიტანთ.

ალბათ, მალე ჩამოხვალთ და ტელე-ეთერებიდან ისევ გვიქადაგებთ. ისევ გვეტყვი, რომ საქართველოს გადარჩენის ერთადერთი გზა თქვენ ხართ, ისევ გალანძღავთ სააკაშვილს და იტყვი, რომ ომი მან დაიწყო, სააკაშვილის ცოდვებს გაიხსენებთ, სხვათა შორის, იმ სააკაშვილისას, რომლის მარჯვენა ხელად ითვლებოდით. ისევ გვეტყვი, რომ თუ არ მოგცემთ ხმას,




ქვეყანა დაიღუპება და კიდევ ბევრი "ისევ" იქნება... ამ ყველაფრის მერე მე, როგორც საქართველოს მოქალაქეს, იმ ქვეყნისა, რომლის პრეზიდენტიც ორჯერ იყავით და რომლის ბედიც ერთ დროს თქვენს ხელში იყო, ერთადერთი კითხვა გამიჩნდება - ქალბატონო ნინო, არ გრცხვენიათ?!

ლადო გოგოლაძე

# ხაშურელები-საზღვარგარეთ შადვა დათიაშვიდი-ხაშურელი დიპლომატი ეთიოპიაში

რუბრიკაში "ხაშურელები-საზღვარგარეთ", იმ ხაშურელების შესახებ მოგო-  
ყვებით, რომელთა საქმიანობა და მოღვაწეობაც გასცდა ხაშურის(და არა მხო-  
ლოდ) საზღვრებს.



ისინი წარმატებული პოლიტიკოსები, ხელოვანები, სხვადასხვა სფეროს წარმომადგენლები არიან. როდესაც ბატონმა გოგიმ (გაზეთის დირექტორი), ჩვენი რუბრიკის დღევანდელი სტუმრის შესახებ მითხრა, ცოტა შევშინდი, ხუმ-

რობა ხომ არაა, უმასპინძლო ეთიოპიის ფედერალურ რესპუბლიკაში საქართველოს საელჩოს მრჩეველს. ველოდებოდი რესპოდენტს, საშუალო ასაკის და ჩემის ფიქრით, სუფთა ტიპიურ ქართველ მამაკაცს, თავისი ქართული გარეგნობითა და შეხედულებებით და სულაც არ მიფიქრია, რომ ჩემს წინ გაჩერებულ ველო-სიპედს, ჩემი წარმოდგენების რადიკალურად შეცვლა შეეძლო. შადვა დათიაშვილი, ეთიოპიის ფედერალურ რესპუბლიკაში საქართველოს საელჩოს მრჩეველი, შევბუღებით იმყოფება მშობლიურ ქალაქში და სიამოვნებით დაგვთანხმდა, თავის საქმიანობაზე და იმ ქვეყანაზე ესაუბრა, სადაც თავის მოღვაწეობას აგრძელებს. აქამდე კი, მან გრძელი და წარმატებული გზა განვლო, ღირსეული ოჯახის ღირსეულ შვილს, არ გაჭირვებია, დიპლომატიურ სარბიელზე თავის დამკვიდრება. შადვა კარგი რესპოდენტი და მოსაუბრე აღმოჩნდა და



გამაცნო ქვეყანა, რომლის შესახებ, ჩემდა სამარცხვინოდ, ცოტა რამ თუ ვიცოდი. შადვა დათიაშვილი :  
-დავამთავრე აზია-აფრიკის ინსტიტუტი, აღმოსავლეთმცოდნეობის ფაკულტეტი, შემდეგ, მუშაობა დაიწყო საგარეო საქმეთა სამინისტროში. 2004-2007 წლებში ვმუშაობდი ეკვიპეტში, მეორე მდივანად. იყო საქართველოში დაბრუნების პერიოდი. 2009-2012 უზგრეთში პირველი მდივანი ვიყავი, 2012 წლიდან დღემდე ვარ ეთიოპიის ფედერაციულ რესპუბლიკაში, საქართველოს საელჩოში მრჩეველად. ძალიან საინტერესო და განსხვავებული ქვეყანაა, თავისი ისტორიით, ცხოვრების წესით, კულტურით. წარადგენს ფედერალურ რესპუბლიკას, დაყოფილია ფედერალურ ერთეულებად. ეთიოპია ეფუძნება ეთნიკურ პრინციპებს. თითოეულ მიწას აქვს თავისი დროშა, რეგიონული ენა. ქვეყნის მოსახლეობა 88 ენაზე და დიალექტზე საუბრობს. მოსახლეობა დღევანდელი მონაცემებით, 92-95 მილიონს შეადგენს. მოსახლეობის 65% ქრისტიანია, რომელთა უმრავლესობა არის მონიფიზმის ქრისტიანები, თუმცა რელიგიური მრავალფეროვნებით ხასიათდება, არიან კათოლიკეები, პროტესტანტები, რომელთა რიცხვიც საკმაოდ დიდია. ქვეყნის პრეზიდენტი ჰაილემ მარიამ დესალეგანიც პროტესტანტია, იგი წარმომადგენელია ვალაიტის მცირე ერის. ეთიოპიელი ხალხის უმრავლესობა სემიტური წარმოშობისაა, აქვთ კანის მუქი შეფერილობა და ევროპოიდული სახის ნაკვთები, რაც მათ გამოარჩევთ სხვა აფრიკული ხალხებისაგან. ეთიოპის

თი იხსენებდნენ მასთან მუშაობის შემოქმედებით პროცესს და კვლავინდებურად ლექსით ამკობდნენ მის ღვაწლს ხაშურის წინაშე. ქალბატონმა ლიანამ, სიამაყით აღნიშნა, რომ ათეულობით წელია, რაც მუსიკალურ-აღმზრდევლობით საქმიანობას ეწევა, რაც დიდ სიყვარულთანაა დაკავშირებული და ერთი ნომერი, თავის აღსაზრდელთან ერთად შეასრულა. ძალიან საპასუხისმგებლო და ემოციური მომენტი იყო მისი შვილიშვილის მიერ ფლეიტაზე შესრულებული ორი ნაწარმოები-გენეტიკა ღირსეულად მეორედება. ძალიან თბილი შემოქმედებითი საღამო, რომელსაც დიდი ხანია ელოდა ხაშურის საზოგადოება, ყვავილებით, კეთილი სურვილებითა და მომავალში განმეორების იმედით დასრულდა. ჩვენი რედაქცია, ჯანმრთელობას და შემოქმედებით წარმატებას უსურვებს ქალბატონ ლიანას და ელოდება მისი აღსაზრდელების ღირსეულ გამოსვლებს მსოფლიოს არაერთი ქვეყნის სცენაზე!

## “ამდერებელი ხაშურელი პოეტები“ ლიანა ტატიშვილის შემოქმედებაში

15 ივლისს, ხაშურის მხარეთმცოდნეობის მუზეუმმა კომპოზიტორისა და მუსიკალურ შემსრულებლის, ლიანა ტატიშვილის შემოქმედებით საღამოს უმასპინძლა. ამდენი “ამდერებელი ხაშურელი პოეტი” ერთად, არასდროს უნახავს ქალაქს. იყო მუსიკა, პოეზია, კინოფილმები გაცოცხლებული შემოქმედება, ბევრი იუმორი და ღიმილიანი, დაუფიქარი საღამო. მურად მთვარელიძემ, საღამოს მასპინძლის ამპლუა მოირგო ჩვეული, დახვეწილი იუმორით. ყველა სტუმარმა ისაუბრა ქალბატონი ლიანას პიროვნულ თვისებებზე, როგორც სიკეთის ინდივიდუალურ გამოვლინებაზე, მის შემოქმედ ბუნებასა და ცხოვრებაზე, სადაც ძალიან ბევრია მუსიკა. არც მისი იუმორისტული ხასიათი დარჩენილა უყურადღებოდ. კინოფილმებმა გააცოცხლეს ცნობილი ქართველი მომღერლების მიერ შესრულებული, სიმღერები, რომლის კომპოზიტორიც ქალბატონი ლიანა გახლავთ. პოეტები, მანანა დანგაძე, ეკა ბაქრაძე, მურად მთვარელიძე, ლალი ჯაფარაშვილი, რომელთა პოეტურ შემოქმედებასაც უფრო მეტი სიღამაზე შესძინა ლიანას მუსიკამ, სიყვარულით და დიდი სითბო-



რელიძე, ლალი ჯაფარაშვილი, რომელთა პოეტურ შემოქმედებასაც უფრო მეტი სიღამაზე შესძინა ლიანას მუსიკამ, სიყვარულით და დიდი სითბო-

ფედერაციულ რესპუბლიკას დიდი წვლილი მიუძღვის ტერორიზმის წინააღმდეგ ბრძოლაში. ისინი სიამაყით აღნიშნავენ იმ ფაქტს, რომ ქვეყანა არასოდეს ყოფილა კოლონია, სწორედ ამ ფაქტორმა ითამაშა მთავარი როლი, რომ ქალაქ ადის-აბებაში მდებარეობს აფრიკის კავშირის კომისიის შტაბ-ბინა. სახემწიფო ენა არის "ამჰარული", ეთიოპიელ ქრისტიანებს კი აქვთ ენა "გეზე", რომელიც ლიტურგიულია და საფუძველია ორი ენის, ამჰარულის და ტიგრის. აქ იყენებენ იულიუსის კალენდარს, რომლის მიხედვითაც დღეს ეთიოპიაში 2007 წელია, წელიწადში 13 თვეა, ყოველთვე 30 დღეა, მეცამეტე თვე, 5-6 დღეა, იმის მიხედვით, წელიწადი ნაკიანია თუ არა. ეთიოპია ითვლება ყავის სამშობლოდ, აქ მოჰყავთ მსოფლიოში საუკეთესო ხარისხის და გამომწერი თვისებების ყავა. ამჟამად ქვეყანა საკმაოდ დინამურად და სწრაფად ვითარდება, ქვეყნის ეკ. განვითარება ყოველწლიურად ორციფრის პროცენტული მაჩვენებლით განისაზღვრება. მიმდინარეობს პესების მშენებლობა, რომელიც საშუალებას მისცემს ქვეყანას გაზარდოს შემოსავალი და ეთიოპია იქცეს საშუალო შემოსავლიან ქვეყნად. ძალიან საინტერესო და ეგზოტიკური ქვეყანაა ტურისტულადაც.



უძველესი ადამიანი "ლუსი" ეთიოპიელია. აქ სათავეს იღებს ლურჯი ნილოსი, რომელიც ცნობილია თავისი წყალუხვობით. დედაქალაქი ადის-აბება(ახალი ყვავილი) დაახლოებით 126 წლისაა, უამრავი სანახაობრივი ადგილ-ქალაქები, რომელთაც განსაკუთრებული არქიტექტურული და ისტორიული ღირებულებები აქვთ. ლურჯი ნილოსი, ტანას ტბა, ისტორიული ქალაქი ლალი ბელა, გონდარი, აქსუმი და სხვა. ქვეყანაში მხოლოდ ორი სეზონია, 15 ივნისიდან 16 სექტემბრამდე წვიმის სეზონი, ზამთარია და მშრალი სეზონი ზაფხულს მოიცავს. პირველი ქართველი ვისაც ურთიერთობა ჰქონდა ეთიოპიასთან, პეტრე მერაბიშვილი, XIX საუკუნეში, სტამბოლში შეხვდა ეთიოპიის იმპერატორს, მენელიქ II, რომლის პირადი ექიმიც გახდა შემდეგ და ექვსი წელი ემსახურა მას. გახსნა პირველი აფთიაქი "ფარმასი დე ლა ჟორჟი". 20 წლის შემდეგ დაბრუნდა საფრანგეთში და დაწერა მეშუარები ეთიოპიაზე. თუმცა კავშირი ამ ორ ქვეყანას შორის, ადრეულ საუკუნეებიდან იღებს სათავეს. მურვან ყრუს ლაშქრობის დროს, მისი ჯარის გარკვეული ნაწილი დაკომპლექტებული იყო ეთიოპიელებით, აბაშელებით(აბაშა არის ეთიოპიის ისტორიული სახელი). არსებობს მოსაზრება, რომ მათი დაბანაკების გამო, ეწოდა აბაშის რაიონს დღევანდელი სახელწოდება. მიუხედავად იმისა, რომ ქრისტიანები არიან, განსხვავებული ცხოვრების წესი აქვთ. სოფლის მეურნეობა ქვეყნის ეკონომიკის წამყვანი სფეროა, რომელშიც დასაქმებულია სოფლის მოსახლეობის აბსოლუტური უმრავლესობა. ...შადვა იმდენად კარგი მოსაუბრეა, ნებისმიერმა ჟურნალისტმა მხოლოდ უნდა ინატროს ასეთი რესპოდენტი. მეც არ "მეთმობა" და ვცდილობ, ჩვენი დიალოგი გახანგრძლივდეს. საქართველოს დღევანდელ პოლიტიკურ სიტუაციებზეც მინდა რამე ვათქმევინო, მაგრამ დიპლომატიური ხერხებით იცილებს ამ თემას. თუმცა, ერთი კარგი რამ მაინც "დაგვტყუე"-ერთ კვირაში იგი ეთიოპიაში მიემგზავრება და დაგვიბრუნდება, იქიდან შეეცდება ძალიან საინტერესო მასალები გამოგვიზავოს. ასე, რომ ჩვენი მკითხველი ელოდოს ერთგვარ "ეთიოპიურ დღიურებს".



თ. ჯავახიშვილი

თი იხსენებდნენ მასთან მუშაობის შემოქმედებით პროცესს და კვლავინდებურად ლექსით ამკობდნენ მის ღვაწლს ხაშურის წინაშე. ქალბატონმა ლიანამ, სიამაყით აღნიშნა, რომ ათეულობით წელია, რაც მუსიკალურ-აღმზრდევლობით საქმიანობას ეწევა, რაც დიდ სიყვარულთანაა დაკავშირებული და ერთი ნომერი, თავის აღსაზრდელთან ერთად შეასრულა. ძალიან საპასუხისმგებლო და ემოციური მომენტი იყო მისი შვილიშვილის მიერ ფლეიტაზე შესრულებული ორი ნაწარმოები-გენეტიკა ღირსეულად მეორედება. ძალიან თბილი შემოქმედებითი საღამო, რომელსაც დიდი ხანია ელოდა ხაშურის საზოგადოება, ყვავილებით, კეთილი სურვილებითა და მომავალში განმეორების იმედით დასრულდა. ჩვენი რედაქცია, ჯანმრთელობას და შემოქმედებით წარმატებას უსურვებს ქალბატონ ლიანას და ელოდება მისი აღსაზრდელების ღირსეულ გამოსვლებს მსოფლიოს არაერთი ქვეყნის სცენაზე!



თამარ ჯავახიშვილი

ციხრული მინანქარი ხაშურში იქმნება...

ბატონ მალხაზს, გასულ კვირას არტ-გუნის ფესტივალზე შეეხვით, სადაც თავისი მოკრძალებული, თუმცა ძალიან ლამაზი და ფასეული ნამუშევრები ჰქონდა გამოტანილი. როგორც გავიგე, ის ერთადერთია ხაშურში, რომელიც ციხრული მინანქრის ნამუშევრებს ქმნის.

მალხაზ მეგრელიშვილი:

- პროფესიით მხატვარი ვარ, ხეზე მჭრელი, ალბათ, ამანაც განაპირობა ჩემი ციხრული მინანქრით დაინტერესება და ვერ დავძალავ, მატერიალური დაინტერესებაც იყო. სულ რამდენიმე წელია, რაც მინანქარზე დავიწყე მუშაობა, თბილისში ვნახე ადამიანი, რომელმაც ტექნოლოგიური

ლოვნება დასაბამს II საუკუნიდან იღებს და ძირითადად საქართველოსა და ბიზანტიაში იყო გავრცელებული. უამრავი ფასეული ნიმუში შეიქმნა, როგორც საიუველირო, ასევე ხატების სახით. რაც შეეხება ტექნოლოგიას, ძალიან რთული, შრომატევადი და სპეციფიკურია. ძალიან უნდა გიყვარდეს შენი საქმე, რომ ამის კეთება შეძლო, მოითხოვს აბსოლუტურ მხედველობას და დროს. უამრავი პროცედურებია, მიუხედავად იმისა, რომ დღეს ტექნოლოგია გამარტივდა. სამი სახის ლითონი გამოიყენება მასალად, სპილენძი, ოქრო და ვერცხლი. ჩემთვის ყველაზე ხელმისაწვდომია და კომერციულადაც გამართლებული, ვერცხლზე მუშაობა. ვერცხლის თხელ, უკვე გამზადებულ ფირფიტას, პინცეტის საშუალებით ვუკეთებ თხელ ციხრებს, რის მეშვეობითაც ხდება ფერების გაყოფა, შემდეგ სპეციალურ წებოს ეუსვამ და ფუნჯით სასურველ ფერებს ვსვამ. ეს ფერები არის დაფხვნილი შუშა, რომელიც 750 გრადუსიდან ზევით დნება. ციხრული მინანქრის ხელოვნება, ერთ-ერთი ურთულესი დარგია ხელოვნების, რაც ლითონის ღღობასთან და ცეცხლთანაა კავშირში. დაახლოებით ოთხი ფენის ჩადება ხდება, ვერცხლზე წებდება ციხარი, შემდეგ შუშის ფხვნილი, სხვადასხვა ფერი, რომლებიც კომპოზიციის ასაწყოებად გამოიყენება და ბოლო ეტაპი, დამუშავების რამდენიმე პროცედურას მოიცავს, რომელიც განსაკუთრებული პიკაეზური ნორმების დაცვას მოითხოვს. ყველაზე დიდ სირთულეს მაინც ციხრების გამოყოფა წარმოადგენს.

-რამდენადაც მიგხვდით, ძალიან შრომატევადი პროცესია მინანქარზე მუშაობა, დაახლოებით რა დრო გჭირდებათ, ერთი საშუალო ზომის და სირთულის ნამუშევრის შესაქმნელად?

-სამწუხაროდ, დღეს სხვა საქმიანობით ვარ დაკავებული და მინანქარზე მუშაობას ვერ ვუთმობ საკმარის დროს. ერთი ნამუშევრის გასაკეთებლად, დაახლოებით ერთი კვირა მჭირდება, ბევრი რამ ტექნოლოგიის შესახებ, დღემდე უცნობია ჩემთვის, რადგან სპეციალიზებული განათლება არ მაქვს ამ კუთხით, ეს ველოსიპედის თავიდან გამოგონებას ჰგავს-ძიების და მიგნების პროცესში იკარგება დრო. არის მეორე მომენტიც, მე ვაკეთებ ოთხ ფენას, როცა სხვა ოსტატები, მხოლოდ ერთ ფენას და მათ ნამუშევრებს სუფთა კომერციული დანიშნულება აქვს, მუშაობენ რაოდენობაზე და არა ხარისხზე.



მხარე შემასწავლა, თუმცა, ამას უფრო გაცნობითი სახე ჰქონდა, რადგან დროის უქონლობის გამო, ვერ მოვახერხე საფუძვლიანად დავუფლებოდი ამ რთულ საქმეს და ძირითადად დღესაც მიგნებების და ძიებების პროცესში ვარ, რაც დამატებით დროს და ენერჯიას მოითხოვს ჩემგან. -როგორია ციხრული მინანქრის ტექნოლოგია? -დავიწყებ იქიდან, რომ ციხრული მინანქრის ხე

-რა ტიპის ნამუშევრებს აკეთებთ? -ძირითადი აქცენტი ხატების და ჯვრების კეთებაზე მაქვს გადატანილი. მაქვს კურთხევაც. ძალიან სპეციფიკურია და რელიგიის განსაკუთრებულ ცოდნას მოითხოვს. მაქვს გაკეთებული ხატი, რომელიც წმინდა ნიკოლოზის ეკლესიას შეეწირე, გორათის ეკლესიის ბარძიმისთვის გააკეთე ოთხი ხატი, ასევე, სამკაულები, საყურეები, ბეჭდები. ჩემი ნამუშევრების დიდი ნაწილი სანათესაოს საკუთრებაა. თუმცა, მომავალში ვგეგმავ, ჩემს ნამუშევრებს, მხოლოდ სასაჩუქრე დანიშნულება არ ჰქონდეს. -როგორც მიგხვდით, გაფართოებაზე და კომერციულ გათვლებზეც ფიქრობთ... -დიახ, სახელოსნოს ვაკეთებ, სახლში გამოვყავი ოთახი, სადაც მშვიდად მუშაობას შევძლებ. სექტემბრისათვის უკვე დავასრულებ საჭირო ინვენტარით



აღჭურვას და შევუდგები აქტიურ მუშაობას. ჯერ არ მაქვს იმ რაოდენობის ნამუშევრები, კომერციულად და რეალიზაციაზე ვიფიქრო, თუმცა, ხაშურის გარდა, სხვა ტურისტულ ქალაქებზეც ვფიქრობ, სადაც დიდი დაინტერესება მსგავს ნამუშევრებზე. ბატონმა მალხაზმა, პირობა მომცა, რომ ახალ სახელოსნოში მიმასპინძლებს და ციხრული მინანქრის იმ საიდუმლო ტექნოლოგიასაც მაჩვენებს, რომელიც ყველა ოსტატს აქვს გადახანული და რომელზეც ამჯერად აქ არ ისაუბრა.

თ. ჯავახიშვილი

ზაზა აბრამაშვილის აღსაზრდელების წარმატება

ამ დღეებში, ქუთაისმა, 2015 წლის საქართველოს ჩემპიონატს უმასპინძლა ბატუტზე ხტომაში,



სადაც ხაშურის ნაკრები გუნდიც მონაწილეობდა. ჩვენი მკითხველისთვის ცნობილია, რომ ხაშურში ბატუტზე მსტომელებს საქართველოში, ამ სახეობაში, ყველაზე ტიტულოვანი სპორტსმენი, მსოფლიოსა და ევროპის ჩემპიონი ზაზა აბრამაშვილი წვრთნის. ამიტომაც, გასაკვირი არაა ის წარმატება, რასაც ამ ჩემპიონატში ჩვენმა მოზარდებმა მიაღწიეს.

ჭაბუკთა მეორე თანრიგში პირველი ადგილი მათე აბრამაშვილმა დაიკავა. მესამე თანრიგში ასევე ჩემპიონი მამუკა ჟვანია გახდა, ვერცხლის მედალი გიორგი ტიტცინიძემ მოიპოვა, ბრინჯაოსი კი - ლუკა მსხალაძემ. ამავე თანრიგში, გოგონათა შორის, მეორე იყო ნუცა გუგუბერიძე, მესამე კი - ეკა ხვედელიძე. უმცროსი ასაკის გოგონათა შორის, პირველ თანრიგში, ნია ჩინჩალაძე ჩემპიონი გახდა, მარიამ გიორგაძემ კი ვერცხლის მედალი მოიპოვა. მართლაც, შესანიშნავი შედეგია, მითუმეტეს, რომ ეს მოზარდები არცთუ დიდი ხანია, რაც სპორტის ამ უღამაზე სი სახეობით არიან დაკავებულნი. სასიხარულოა, რომ თბილისის, ქუთაისისა და ბათუმის შემდეგ, ხაშური ბატუტზე მსტომელთა ერთ-ერთ ცენტრად იქცა და ეს, რა თქმა უნდა, ზაზა აბრამაშვილის დამსახურებაა, რომლის უდიდესი გამოცდილება და პროფესიონალიზმი იმის გარანტიაა, რომ ეს მოზარდები მომავალში უფრო დიდ წარმატებებს მიაღწევენ

**D რეზო ჩადუნელის ხსოვნას**  
ღირსეულად იცხოვრე 67 წელი. ისე, როგორც შეეფერება ქართველს, ღვთის მოშიშს. ზნეობა იყო შენი ცხოვრების კრედი. პრინციპს არასდროს დალატობდი. სამაგალითო მეუღლე, მამა ბაბუა დააკლდი ოჯახს. სანიმუშო იყავი სამსახურში, სადაც 42 წელი მოღვაწეობდი. თბილი და მშვიდი ხასიათის, ერთგული პიროვნება დაკარგა ოჯახმა, ნათესაობამ, სამეგობრომ. 22 ივლისს შენს დაბადების დღეს პირველად ვხვდებით უშენოდ, ჩვენი რეზო. ძალიან გვაკლიხარ და გვიმძიმს შენს გარეშე ყოფნა და ცხოვრება. შენი ერთგული მეუღლე ციური, შვილები და შვილიშვილები არასდროს შეარცხვენენ შენს ოჯახს და სახელს. ღმერთმა მოგცეს სასუფეველი და დაგიკვიდროს სამუდამო ბინა იქ, სადაც მართალნი განისვენებენ. შენი ოჯახი

